

SANCTISS. DOMINI NOSTRI
CLEMENTIS XI.
PONT. MAX.

HABITA

IN FESTO SS. APOSTOLORUM
PETRI, ET PAULI

INTER MISSARUM SOLEMNIA

In Sacrosancta Basilica Vaticana,


ANNO DOMINI M.DCC.XVII.



FLORENTIÆ. MDCCXVII.

Typis Regiæ Celsitudinis Apud Jo: Cajetanum Tartini
& Sanctem Franchi. *Superiorum permissu.*







fortium Principi Apostolorum contulit divina dignatio, cū primū ille interroganti Domino Discipu-

*La. 3. in
sepm 3. in
annivers. die
assumptionis
sue cir. m. d.*

los suos, quem ipsi Eum esse dicerent, fidei confessione respondit: *Tu^B es Christus Filius Dei vivi*: ut satis mirari non possimus soli Petro pro ejusmodi justissimā, ac prorsus debitā, imò & ab aliis editā confessione, amplissimum illud, ac singulare præmium, quod Nobis Evangelica lectio referavit, tributum fuisse. Nonne enim etiam Nathanael verè Israelita,^C & in quo dolus non erat, priusquam ipsemet Petrus, vel alius quisquam Christum Dei Filium pronunciasset, palàm, & apertè ei dixerat: *Rabbi, tu^D es Filius Dei?* Nonne pariter, cū ascendisset Jesus in naviculam, omnes qui in illā erant, adoraverunt^E eum, dicentes: *Verè Filius Dei es?* Nonne & Martha dicenti Domino

*B
Mattb. cap.
16. v. 16.*

*C
Joan. cap.
1. v. 47.*

*D
Joan. ibid.
v. 49.*

*E
Mattb. cap.
14. v. 33.*

^F
Joan. cap.
11. v. 26.

^G
Ibid. v. 27.

^H
Matth. cap.
27 v. 54.

^I
Ex S. Aug.
sermo in Joann.
nis Evangelio.
cap. 1. Titul.
7. num. 17.

^K
Ex S. Hilari.
cap. 16. in
Matth.

^L
S. Les ferm.
2. in anniver.
die assumptionis.
sec. circ. med.

ad eam : Omnis ,^F qui vivit , & credit in me ,
non morietur in aeternum : credis hoc ? Con-
festim respondit : Utique ,^G Domine , ego cre-
didi , quia tu es Christus Filius Dei vivi , qui
in hunc Mundum venisti ? Nonne demum
etiam Centurio , ubi vidit Christum in
Cruce expirantem , liberâ voce clamavit :
Verè^H Filius Dei erat iste ? Quare igitur
Nathanael , tametsi primus omnium Chri-
sti divinitatem promulgasset , adeoque ,
ut Augustinus advertit ,^I primus similiter
inter Apostolos recensendus videretur ,
non solum primus non fuit , sed nec me-
dius , nec postremus duodenario illorum
numero adscriptus invenitur ? Quare iti-
dem , qui in naviculâ erant , licet Chri-
stum adoraverint , illumque Dei Filium
confessi fuerint , beati à Domino mini-
mè dicti sunt ? Quare demum nec Mar-
thæ fides laudari meruit , nec Centurio-
nis confessio celebrari ? Solusque Petrus
Christum Dei Filium enuncians , æternæ
Veritatis testimonio beatus prædicatur ,
felix ædificandæ^K Ecclesiæ fundamentum
in novi nominis nuncupatione consti-
tuitur , cœlestis Regni Claviger declara-
tur , ligandorumque ,^L ac solvendorum
arbi-

Scrutemur, Venerabiles Fratres, Dilecti
 Filii, scrutemur singillatim rationes, ut
 mysterium agnoscamus. Dixit Christum
 Nathanael Dei Filium : at simul etiam
 dixit Regem Israel: *Rabbi, Tu ex Filjus*
Dei: ^M *Tu es Rex Israel.* Humanum ali-
 quid sapere poterat Fides illa, quæ Dei
 Filium agnoscebat eum, quem Regem
 credebat. Agnovit Martha Christi divi-
 nitatem; sed tunc agnovit, cùm ab eo
 Lazarum fratrem suum ad vitam revo-
 candum postulabat. Adoraverunt Chri-
 stum, qui in naviculâ erant, eumque
 confessi sunt Filium Dei; sed hanc ab eis
 confessionem naufragii timor extorsit.
 Hoc ipsum confessus est Centurio; sed,
 ut in Evangelio legimus: *viso* ^N *terramo-*
tu. Solus Petrus terrena spernens, cœ-
 lestia respiciens, nullâ caducæ felicitatis
 cupidine illectus, nullâ cujusvis disci-
 minis formidine territus, sublimi illâ
 confessione, quam nec caro, nec sanguis
 ei revelavit, sed divinus Pater, qui in
 Cœlis est, ^O Apostolico cordi inspiravit,
 diversa opinantibus aliis, Christum Dei
 vivi

^M
Joan. cap.
 1. v. 49.

^N
Matth. cap.
 27. v. 55.

^O
Ex S. Leone
d. serm. 2. in
annivers. die
assumptionis
sue.

^P
Matth. cap.
16. v. 17. 18.
& 19.

vivi Filium promulgavit, & credidit. Mirari itaque definamus, si solus itidem Petrus insigne illud, ac præclarum suæ confessionis præmium meruit, quod illi Dominus largitus fuit, cum dixit: *Beatus es Simon^P Bariona, quia caro, & sanguis non revelavit Tibi, sed Pater meus, qui in Cælis est. Et ego dico Tibi, quia Tu es Petrus, & super hanc petram ædificabo Ecclesiam meam: Et portæ inferi non prævalebunt adversus eam. Et tibi dabo claves Regni Cælorum. Et quodcumque ligaveris super terram, erit ligatum & in Cælis; & quodcumque solveris super terram, erit solutum & in Cælis.* Meruit hæc, Dilectissimi, meruit hæc Petri Fides, sancta Fides, magnanima Fides, heroica Fides; quippe quæ omnia & humanarum opinionum incerta transcendens, firmitatem petræ, quæ nullis impulsio- nibus quateretur, accepit. At ubinam hodie intrepidam hanc, & verè Apostolicam Fidem invenire poterimus? Procul, ^R & de ultimis finibus pretium ejus. Heu quàm degenerem adulta nunc, aut veriùs annosa jam Fides ab eâ exhibet indolem, quam tenebra adhuc, & lactens, in suâ spirabat infantia! Quàm discolor

^Q
Ex S. Leone
ubi supra.

^R
Proverb. ca.
31. v. 10

ab

ca tollere alicuius invidia. Cuncti fu-
 giles mollia omnia calcabant, aspera om-
 nia tolerabant! Quàm alieni sunt hodie
 trepidi Fidelium gressus ab eorum cele-
 ri cursu qui magisterio^s Apostolicæ illius
 Vocis imbuti: *Tu es Christus Filius Dei*
vivi: ibant^t gaudentes à conspectu Con-
 cillii, quoniam digni habiti fuerant pro
 Nomine JESU contumeliam pati! Ob-
 scuratum est^v aurum: mutatus est color
 optimus. Sed finem jam dolendi facia-
 mus; atque uberem semper, & in nos
 ipsos perennem divinorum munerum lar-
 gitatem agnoscentes, humiles potius aga-
 mus gratias Patri Misericordiarum,^x &
 Deo totius consolationis, qui etiam in
 diebus nostris primævæ Fidei instaurat
 exempla, donatque Nobis, ut coram in-
 tueri possimus fortem, ac constantem ve-
 ræ Fidei Defensorem, qui carnem, &
 sanguinem æterni Patris illustrationibus
 oblucentem vincere novit, & quidquid
 mundus aut ad dignitatem augustius,
 aut ad claritatem splendidius largiri po-
 test, excelfo, ac verè Regio animi
 robore contempsit, ut illibatam fer-

va-

^S
Ex S. Leone
ubi supra.

^T
Ad. cap. 5.
v. 41.

^V
Thren. cap
4. v. 1.

^X
Ext. Corin-
th. cap. 1. v. 3.

varet strenuam illam , invictamque Fidem , quam Christus in Petro tot præconiis extulit , tot beneficiis cumulavit . Caveamus tamen , Dilectissimi , nè hoc ipsum divinæ bonitatis donum , quod tantam huic nostræ ætati lucem affert , nec ullâ unquam seræ posteritatis oblivione delebitur , desidiam nostram aliquando redarguat , ubi scilicet tam illustri exemplo provocati , in sacrosanctæ Religionis officiis torpentes inveniremur , fulgidamque eximæ virtutis imaginem oculis nostris objectam inertī suspiceremus obtutu . Omni propterea animi fervore studeamus Petri Fidem , Regiam Fidem , impavidam Fidem , quam dignâ commendatione prosequimur , sedulâ imitatione complecti , præclarum illud monitum Beati Gregorii assiduè reputantes , & ob oculos habentes : Ille verè credit , qui exercet operando quod credit .

^y
S. Gregor.
homil. 26 in
Evangel. post
med.

